

aLawii 24:12 Nao makimüigira andū a kumurangagira, magieterera MWATHANI amamenyithie ūria mekümwika.

Gūcokerithia Maathani 18:6 "Mūlawii o wothe angikeenda gütungata, ahota kuuma itüüraini o rīothe rīa matūura ma Israeli athiī o handū harīa MWATHANI agaathuura ha gūthaathayagīrio,

Ruthu 1:18 Na rīrī, rīrīa Naomi oonire atī Ruthu niatuīte itua rīa gūthiī naake, agītiga gūcooka kuuga ūndū ūngī.

1 Maündū ma Matukū ma Tene 28:9 Naake Daudi agīcooka akīhūgūrīra müürūwe Solomoni, akīmwīra atīrī, "Mūriū, tūura ümenyeete wega Ngai wa thooguo na ümütungatagīre na ngoro ītarī ūhinga o na meciiria matarī makūringīrīrio. Ngai nīoī meciiria maitū o na mībango yamo. Wathiī harī we ndarī hīndī agaakūngata, no ningī ūngīkaamūtiga naake nīagaagūtiganīria tene na tene.

Nehemia 4:6 Nī ūndū ūcio tūgīthiī na mbere gwaka rūthingo rūu, na tondū andū maarī na kīyo gīa gwaka thuutha wa ihinda iniini, rūgīgīkinya nuthu ya kīrūugamo kīaruo.

Ayubu - Yobi 23:13 Ngai ndagarūrūkaga, na gūtirī mūndū ūngīmūkararia; eekaga o ūria ekuona kwagīrīire.

Thimo 29:11 Kīrimū gītingīhota kūhīthīrīra maraakara, no mūndū mūugī nīakiragīrīria na akamahooreria.

Isaia 26:3 Mūndū wothe ūikaraga akwīhokeete, MWATHANI, nīmūigaga na thaayū tondū atūrāga akwīrīgīrīire.

Mariko 5:15 Mooka he Jesū makiona mūndū ūria wakoragwo na mbütū ya ngoma arī harī Jesū aikarīte thī, ehumbīte nguo, na atarī na ūru; nao magītigīra.

Luka 8:35 Nao andū magīkiumagara makeyonere ūria gwekīkīte. Rīrīa maakinyire harī Jesū magīkora mūndū ūcio warutīitwo ngoma aikarīte thī magūrūinī maake, ehumbīte nguo na atarī na ūru; nao magītigīra.

Atūmwo 17:11 Na rīrī, Ayahudi a kūu maarī a ngoro njega gūkīra arīa maarī itüüraini rīa Thesalonike, amu nīmaamūkīrīre ūhoro meendeire, magītuīragia Maandiko mūthenya o mūthenya nīguo mamenye wega kana maündū macio Paūlū aaragia maarī ma ma kūna.

Atūmwo 20:19 Nīndatungatagīra Mwathani ndīnyiihītie mūno ngīitaga maithori, na ngīkiragīrīria mathīina marīa ndathīnagio namo ma gūkīrīwo nī Ayahudi.

aRoma 7:25 Nī ngaatho kūrī Ngai ūria wīkaga ūguo ahūthīrīte Jesū Kristū Mwathani witū. Nī ūndū ūcio, niī mwene ndungatagīra watho wa Ngai na meciiria maakwa, no mwīrīinī wakwa ndungatagīra watho wa meeitia.

aRoma 8:6 Gwathwo nī mwīrī kūreehage gīkuū, no gwathwo nī Roho kūreehage muoyo na thaayū.

aRoma 8:27 Naake Ngai, ūrīa wonaga ngoro ciitū thīinī, nīoī meciiria ma Roho, nī ūndū Roho nī we ūthaithanagīrīra atheru harī Ngai kūringana na wendi wa Ngai.

aRoma 11:34 O ta ūrīa kwandikīt two atīrī: “Nūū ūūī meciiria ma Mwathani? Nūū ūngīhota kūmūtaara?

aRoma 12:2 Tigagaai gwīkaga maündū marīa meekagwo nī andū a thī; rekeei Ngai agarūre mwīciirīrie wanyu nī geetha mūhotage kūmenya wendi wake nīguo mūhotage gūkūrana maündū marīa meega, marīa mamūkenagia na makinyanīru.

aRoma 12:16 Iguanagaai na andū oothe, na mūtigetūūgagīrie. Ikaranagiaai na andū o na arīa matarī igweta, na mūtikeyoonage ta mūrī oogi.

aRoma 14:5 Mündū ūmwe ahota kuona mūthenya ūmwe ta ūrī bata gūkīra mīthenya īrīa īngī, naake mündū ūngī ahota kuona mīthenya yothe ta īhaanaaine. O mündū nīakoragwo ecūūranītie wega meciiriaiñi maake mwene.

aRoma 15:6 nī geetha inyuothē na mūgambo ūmwe mūgoocage Ngai, o we Ithe wa Mwathani witū Jesū Kristū.

1 aKorintho 1:10 Aariū na aarī a Ithe witū, nīndamūthaitha rītwainī rīa Mwathani witū Jesū Kristū, atī inyuothē mūiguithanagie na mūtikagīe na njatūkano gatagatīnī kaanyu. Koragwoi mūnyiitanīire mwī na meciiria o mamwe na ngoro o īmwe.

1 aKorintho 2:16 Tondū o ta ūrīa maandīko moigaga-rī, “Nūū ūngīmenya meciiria ma Mwathani? Nūū ūngīmūtaara?” O na gwatuīka ūguo-rī, ithuī tūrī na meciiria ma Kristū.

2 aKorintho 7:7 Na to gūuka gwake gwiki gvatūmire tūumīrīrie, no nī ūndū wa ūrīa o na inyuī mwamūumīrīrie. Nīatwīrire ūrīa mwī na bata wa kūnyona, na ūrīa mūratūiguīra tha, na ūrīa mwīhaarīrie kūngitīra; nī ūndū ūcio nīngeneete mūno makīria.

2 aKorintho 8:12 Mündū angīkorwo arī na wendo wa kūheana Ngai aamūkagīra o kīrīa gīothe angīheana, no ti kīrīa atangīhota kūheana.

2 aKorintho 9:2 Tondū nīnjūūi wendi wanyu wa gūteithia, o na andū a Makedonia nīndīmerahīire nī ūndū wanyu ngameera atī: “Aariū na aarī a Ithe witū a Akaia, matūire mehaarīrie gūteithania kuumā mwaka ūcio ūrathirire.” Wendo ūcio wanyu nīguo ūmaarahūrīte.

2 aKorintho 13:11 Ngīrīkia aariū na aarī a Ithe witū, ngūmwīra mūtigwo na wega! Thiagaai na mīthīire īrīa yagīrīire; thikagīrīriai mataaro maakwa; iguanagaai; ikaranagiai na thaayū na Ngai wa wendo na thaayū nīarīkoragwo hamwe na inyuī.

aEfeso 4:23 Ngoro cianyu na meciiria maanyu no mūhaka cierūhio,

aFilipi 2:2,3 Ndamūthaitha mūtūmage gīkeno gīakwa kīiganīre nī ūndū wanyu

gūkoragwo mwī na meciiria mamwe, mūnyiitanīre wendo o ro ūmwe, na mwī kīndū kīmwe muoyoinī na meciiriaiñi. 3 Ningī mūtigeekage ūndū nī tondū wa kwiyenda, kana nī tondū wa mwītīo wa tūhū, no mwīnyiihanagīriei o mūndū na ūrīa ūngī, na hingo ciathe mūndū atuage atī mūndū ūrīa ūngī nī mwega kūmükīra.

aFilipi 4:2 Nīngūgūthaitha wee Euodia o nawe Sunutuke atī mūgerie kūiguithania ta aari a Ithe witū thīnī wa Mwathani.

aFilipi 4:7 Naguo thaayū wa Ngai, ūrīa ūtangīmenyeka nī andū ūrīa ūtarīi nīūrīkaragia ngoro cianyu o na meciiria maanyu ihooreire thīnī wa Kristū Jesū.

aKolosai 3:12 Inyuī mūrī andū a Ngai; nīamwendire na akīmūthura mūtuīke andū aake. Nī ūndū ūcio, mwīhumbee kūguanīra tha, gūtugana, kwīnyiihia, kūhoorera, na gūkirīrīria.

2 aThesalonika 2:2 mūtikaahītithio meciiriaiñi maanyu, kana mūhahūrwo na maündū ma kīroho, kana mwīrwo ciugo, kana mūreeherwo marūa mwīrwo atī nī ithuī tūmwandīkīre tūkamwīra atī Mūthenya wa Mwathani nīūkinyīte.

2 Timotheo 1:7 Amu Ngai ndatūheire Roho wa gūtwīkīraga guoya; aatūheire roho wa gūtwīkīraga hinya, wendani, na kwīnyiita maündūinī moothe.

Tito 2:6 Aanake nao nīwagīrīrīwo nīkūmahatīrīria atī no mūhaka makoragwo menyītīte maündūinī ma mwīrī.

aHibirania 8:10 Gīkī nīkīo kīrīkanīro kīrīa ngaarīkanīra na andū a Israeli matukūinī macio: nīngeekīra mawatho maakwa meciiriaiñi maaō, na ndīmaandīke ngoroinī ciao. Ngaatuīka Ngai wao, nao matuīke andū aakwa.

1 Petero 1:13 Kwoguo ikaragaai mwīhaarīrie meciiriaiñi maanyu, na mūkoragwo mwīiguīte na mūigīte kīrīgīrīro kīanyu biū harī iraathimo iria mūkaaheeo rīrīa Kristū akaaguūranīrio.

1 Petero 5:2 Atīrīrī, tuīkaai arīithi a rūrūru rūrīa Ngai aamūneire, na mūrūmenyagīrīre mwī na wendo mūnene o ta ūrīa Ngai eendeete, mūtekūringīrīrio. Rutagaai wīra wanyu na ūndū wa kwīrutīra no ti tondū nīmwetereire gūkaarīhwo.

2 Petero 3:1 Eendwa aakwa, maya nī marūa maakwa ma keerī kūmwandīkīra. Marūainī macio meerī nīngereetie kwarahūra meciiria maanyu ngīmūririkanī maündū macio.

Kūguūrīrio 17:9 “Ūndū ūyū ūkwenda meciiria me na ūugī. Mītwe īyo mūgwanja nī irīma mūgwanja iria cikarīrīwo nī mūndū wa nja. Ningī nī athamaki mūgwanja;